

Beatae Mariae Virginis, cantorum coetu resonante, solemniter processimus, maxima populi frequentia. Post praedictorum Conservatorum, pro Canonizationis decreto, per eundem Advocatum consuetas petitiones repetitas, post sacras Litanias, Hymnosque decantatos, precibusque in spiritu humilitatis praemis, ac Spiritus Sancti gratia rite implorata: Ad honorem Sanctae, & Individuae Trinitatis, ad Fidei Catholicae exaltationem, & Religionis Christianae augmentum, auctoritate ejusdem Sanctissimae Trinitatis Patris, & Filii, & Spiritus Sancti, Beatorum Apostolorum Petri, & Pauli, ac nostra, de Venerabilium Fratrum nostrorum Sanctae Romanae Ecclesiae Cardinalium Patriarcharum, Archiepiscoporum, & Episcoporum in Urbe praesentium consilio, & unanimi consensu, Beatam Franciscam Romanam, ex Oblatis Monasterii Tarris speculorum Urbis, Ordinis Sancti Benedicti Congregationis Montis Oliveti, cujus corpus Romae in Ecclesia Sanctae Mariae Novae nuncupata in pace quiescit, de cujus sanctitate vitae, fidei sinceritate, & miraculis plene constabat, & constat, Sanctam esse definitivimus, ac Sanctarum mulierum catalogo adscribendam decrevimus, prout praesentium tenore definimus, decernimus, & adscribimus, illamque omnes fideles venerari mandavimus, & mandamus.

Ejusque in honore, ecclesias constitui, & festum die 9. Martii celebrari jubet.

Indulgentias ejusdem Sepulchrum visitantibus elargitur.

Præsentibus huic Canonizationis peccatorum remissionem concedit.

§.37. Statuentes, ut ab universali Ecclesia in ejus honorem Ecclesiae, & Altaria, in quibus sacrificia Deo offerantur, adificari, & consecrari possint, & singulis annis die 9. Martii festum ipsius, & officium Sanctarum nec Virginum, nec Martyrum ad Breviarium Romani praescriptum devote celebretur.

§.38. Praeterea eadem auctoritate, omnibus vere poenitentibus, & confessis, ac sacra communione refectis, qui annis singulis eodem die festo, ad sepulchrum, in quo corpus ejus requiescit, devote accesserint, nec non Ecclesias, & Altaria in ipsius honorem constructa devote pariter visitaverint, easdem indulgentias, & peccatorum remissiones concessimus, & elargiti sumus, prout concedimus, & elargimur, quae ceteris dicti Ordinis Ecclesiis in diebus Festis ejusdem Congregationis Montis Oliveti Sanctorum jam concessae sunt.

§.39. Denique exactis omnibus, quae Canonizatio hujusmodi postulabat, ac Deo Patri immensae majestatis, venerandoque ejus vero, & unico Filio, Sanctoque paraclyto Spiritui laudibus sacro Hymno cantatis, Ecclesiae communi prece oravimus Dominum, ut quoniam B. Franciscæ festivitatem gaudebamus, ejus exemplo pia devotionis erudiremur affectu, ac sacrosanctis sacrificiis ad Altare Principis Apostolorum Pontificali ritu, cum ejusdem Sanctae commemoratione oblatis, plenariam omnibus Christianis ibi praesentibus, ad Dei laudem, & gloriam Sanctae ejus, peccatorum indulgentiam, & remissionem concessimus.

§.40. Constituteamur igitur Domino Do-

minorum, per quem amici ejus honorificentur nimis, & a quo gloria, & honor omni operanti bonum. Et quoniam Sanctae etiam hujus praesidium jam cernimus Nobis divinitus comparatum, æquum est, Nos sempiternam clementiam orare, ut cujus in terris voluit his nostris calamitosis temporibus gloriam manifestari, illam etiam in tribulationibus nostris Nobis adesse, & obsecrationes pro Ecclesiae sanctae exaltatione, haeresum extirpatione, Principum Christianorum unione, patrocinio suo promoverentur sentiamus per Christum Dominum nostrum.

§.41. Ceterum, quia nimis difficile foret, praesentes nostras literas ad singula loca, ubi opus esset, deferri, volumus, ut earum exemplis etiam impressis, manu publici Notarii subscriptis, & sigillo alicujus personae in dignitate ecclesiastica constitutae munitis, eadem ubique fides habeatur, quae ipsis praesentibus, si exhibitae, vel ostensae essent, haberetur.

§.42. Nulli ergo omnino hominum liceat hanc paginam nostrorum decreti, definitionis, adscriptionis, mandati, statuti, concessionis, elargitionis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud Sanctum Petrum Anno Incarnationis Dominicae millesimo sexcentesimo octavo, quarto Kalendas Junii, Pontificatus nostri Anno IV.

Ego Paulus Catholicae Ecclesiae Episcopus.

- Ego Dominicus Episcopus Ostien. Card. Pinellus.
Ego Fr. Hieronymus Episcopus Portuen. Card. Afulanus.
Ego Antonius Maria Episcopus Praenest. Card. Gallus.
Ego Antonius Episcopus Albanen. Card. Saulius.
Ego Marianus Episcopus Tusculan. Card. de Camerino.
Ego Evang. tit. S. Laurentii in Lucina. Presb. Card. Casentinus.
Ego Gregorius tit. Sancta Maria Transiberim Presbyter Cardinalis de Monte Elpero.
Ego Franc. Maria tit. S. Maria in Ara-Caeli Presb. Card. a Monte.
Ego Octavianus tit. S. Alexii Presb. Card. Parovicinus.
Ego Octavianus tit. S. Praxedis Presb. Card. Aquaviva.
Ego Octavianus tit. S. Sabina Presb. Card. Bandinus.
Ego Laurentius tit. S. Laurentii in Pauca. & Perna Presb. Card. Blanchettus.
Ego Bartholomaeus tit. S. Mariae in Porticu Presb. Card. Casius.

Ego

Hujus Bullae transumptis credi mandat.

Sanctionemq; poenalem apponit.

Dat. die 29. Maii 1608. An.IV.

- Ego Franciscus tit. S. Mariae de Populo Presb. Card. Mantica.
Ego Pompejus tit. S. Balbina Presb. Card. Arigonus.
Ego Bonifacius tit. S. Hieronymi Iliricarum Presb. Card. Bevilacqua.
Ego Dominicus tit. S. Honorii Presbyter Card. Thuscus.
Ego Robertus tit. S. Mariae in Via Presb. Card. Bellarminus.
Ego Dominicus SS. Duodecim Apostolorum Presb. Card. Gymnasius.
Ego Antonius tit. S. Crucis in Hierusalem Presb. Card. Zapata.
Ego Innoc. tit. SS. Nerei, & Achillei Presb. Card. Bubalus.
Ego Joannes tit. S. Marci Presb. Card. de Vicentia.
Ego Jacobus tit. S. Stephani in Monte Caelio Presb. Card. Sannesius.
Ego Hieronymus tit. S. Blasii de Annulo Presb. Card. Pamphilius.
Ego Ferdinandus tit. S. Eusebii Presbyter Card.
Ego Scipio tit. S. Chrysogoni Presb. Card. Burgbesius.
Ego Ludovicus tit. S. Pancratii Presb. Card. Montis Regalis.
Ego Mapheus tit. S. Petri in Monte Aereo Presb. Card. Barberinus.
Ego Jo. Gaspar tit. SS. Quatuor Presbyter Card. Millinus.
Ego Marcellus tit. SS. Quirici, & Julitae Presb. Card. Lantes.
Ego Franciscus Sfortia Diac. Card. in Via Lata.
Ego Alexander S. Laurentii in Damaso Diac. Card. Montaltus S. R. E. Vice-Cancellarius.
Ego Andreas S. Angeli in foro Piscium Diac. Card. Perettus.
Ego Jo. Baptista S. Mariae in Cosmedin. Diac. Card. Detus.

C.I.

Ex Regest. in Secretis brev.

Suspensio abrogationis poenae excommunicationis contra Ecclesiasticos Indiarum Occidentalium illicitae negotiationi vacantes inflicta.

PAULUS PAPA V.

Ad perpetuam rei memoriam.

Illicetm negotiatione ecclesiasticis interdixerat Paulus abrogata tamen excommunicationis poena.

§.i. Alias per Nos accepto, quod in Indiarum Occidentalium partibus inoleverat abusus, seu potius corruptela, ut Clerici etiam in sacris ordinibus constituti, ac etiam Ecclesiarum Parochialium Rectores, aliaque personae ecclesiasticae partim sub praetextu, quod redditus sufficientes ad congruam sustentationem non haberent, partim aliis frivolis causis, sed potius avaritia adducti, diversis illicitae negotiationis generibus se se involuebant in Ecclesiastici ordinis dedecus, eorumque animarum perniciem, & scandalum plurimorum.

Nos talem abusum de medio tollere, ac Ecclesiasticas personas praedictas ab eorum erroribus ad rectam ecclesiasticae disciplinae normam revocare volentes, per nostras in simili forma Brevis literas sub datum die septima Maii Pontificatus nostri Anno II., motu proprio, & ex certa scientia nostris, deque Apostolica potestatis plenitudine detestabilem hujusmodi abusum improbant, Ecclesiasticis quibuscumque personis, & praesertim Sacerdotibus, ne quodvis illicitae negotiationis genus quovis praetextu, causa, & occasione exercere audent, vel praesumerent, sub poenis a sacris Canonibus, & Apostolicis Constitutionibus contra illicitos negotiatores inflictis per eos ipso facto incurrendis expresse interdiximus, & prohibuimus, & contra eandem illicitos negotiatores imposterum per easdem poenas cum omni rigore, & severitate procedi volumus, statuimus, & ordinavimus, excommunicationis tantum poenam contra Sacerdotes illarum partium illicitas negotiationes exercentes per quascumque Provinciales, aut Synodales Constitutiones, praesertim in Synodo Liman. editas quomodolibet impositam, & inflictam ex tunc perpetuo abrogavimus, & annullavimus, prout in dictis literis, quarum tenorem praesentibus haberi volumus pro expresso, plenius continetur.

§.2. Nunc autem iustis de causis animum nostrum moventibus motu, & scientia, ac potestatis plenitudine similibus abrogationem, & annulationem excommunicationis poenae per Nos, ut supra factas ad nostrum, & Sedis Apostolicae beneplacitum suspendimus, ac suspensas esse decernimus, & declaramus, ita ut interim excommunicationis poena Sacerdotes praedictos illicitae negotiationi vacantes, prout ante abrogationem, & annulationem praedictas arctet, & afficiat, ac Synodales Constitutiones praesertim Synodi Liman. praedictae in suo robore permanent, perinde ac si hujusmodi abrogatio, & annullatio non emanasset, dictis tamen literis in suo robore permanentibus. Non obstant. priori nostra voluntate, ac aliis Constitutionibus, & Ordinationibus Apostolicis, ceterisque contrariis quibuscumque.

Nunc hujusmodi abrogationem suspendit.

Dat. die 9. Junii 1608. An.IV.

Datum Tusculi sub Annulo Piscatoris die nona Junii 1608. Pontificatus nostri Anno IV.

Facul-



Ex Regest. in  
Aeris. Brev.

Facultas Superioribus Religionum transmittendi Religiosos in Indias Occidentales per aliam viam, quam per Lusitaniam.

PAULUS PAPA V.

Universis, & singulis presentes literas inspecturis salutem, & Apostolicam benedictionem.

Exordium.

Sedis Apostolicae providentia circumsperta, quae ratione suadente aliquando decrevit, experientia deinde comperto, mutatione indigere, nonnunquam immutat, prout re mature discussa in Domino iudicat expedire.

Gregorius XIII. prohibuit, quominus quis ad Chinam, Japoniamve ad Missiones excedendas proficere licentia Sedis Apostolicae.

§.1. Alias siquidem fel. rec. Gregorius Papa XIII. Praeceptor noster certis tunc expressis causis adductus, per suas in simili forma Brevis literas sub datum die 28. Januarii 1585. Pontificatus sui Anno XIII. omnibus Patriarchis, & Episcopis etiam Provinciae Chinae, & Japonis sub interdictione Ecclesiastica, & suspensionis ab ingressu Ecclesiae, & Pontificalium exercitio; aliis vero Sacerdotibus, Clericis, & Ministris ecclesiasticis tam secularibus, quam cuiusvis ordinis regularibus cuiuscumque status, gradus, ordinis, & conditionis existerent, sub excommunicationis majoris poenis ipso facto incurrendis, interdixit, & inhibuit, ne ad easdem regiones, & Provincias Japonicas, Evangelii praedicandi, vel Doctrinam Christianam docendi, aut sacramenta ministrandi, aliave munia ecclesiastica obeundi causa, sine sua, & Sedis Apostolicae expressa licentia proficisci auderent.

Clemens VIII. data superioribus regulis Missionarios illos transmittendi facultate decrevit ab hisce Missionariis per Lusitaniam tantum iter esse faciendum.

§.2. Postmodum autem rec. mem. Clemens Papa VIII. similiter Praeceptor Noster accepto, quod tam Chinae, & Japonum, quam aliae illis vicinae, & adjacentes Insulae, Regiones, & Provinciae, ac finitima Regna Indiae Occidentalis amplissima, & populis refertissima erant, & pro tanta animarum multitudine ad fidem Catholicam traducenda, & spiritualibus alimentis fovenda, plures operarii, ac ministri necessarii erant, quam ex sola religiosorum Societate Iesu haberi poterant, omnibus, & singulis Mendicantium Ordinum Magistris, seu Prioribus Generalibus tunc, & pro tempore existentibus indulget, ut cum necessitas postulasset, quoslibet ordinis sui spectatae vitae, & eruditionis religiosos, quos nimirum ad praedicta officia, & ministeria idoneos, & utiles fore in Domino iudicarent, per Lusitaniam dumtaxat, & suscepta inde navigatione in Indias, & Civitatem Goan., atque ad Superiores Ordinum in illis partibus existentes transmittere, & tam ipsi sic transmittendi, quam alii superiorum ordinum religiosi in eisdem Indiarum partibus existentes, & ad hoc munus obeundum a suis Magistris, Ministris, vel Prioribus generalibus, seu aliis Superioribus electi, & approbati tam ad Japonicas

praedictas, quam ad alias proximas, & adjacentes etiam Chinae, & finitiorum Regnorum, & Terrae firmae Indiae Orientalis Insulas, Regiones, & Provincias accedere possent. Caeterum omnibus, & singulis religiosis cuiuscumque status, gradus, ordinis, & conditionis essent, sub excommunicationis majoris a qua non nisi a Romano Pontifice, praeterquam in mortis articulo absolvi possent, nec non privationis vocis tam activae, quam passivae, ac dignitatum, administrationum, & officiorum quorumcumque, nec non inhabilitatis ad illa, & alia impofterum obtinenda, ac exercenda poenis ipso facto absque ulla declaratione incurrendis interdixit, & prohibuit, ne ex Insulis Philippinis nuncupatis, sive quolibet alia Indiarum Occidentalium, vel quae pro partibus Indiarum Occidentalium tunc habebantur parte ad illas pertinente, & Japonicas, & alias illis proximas adjacentes, & finitimas Insulas, Provincias, & Regiones praedictas etiam quorumcumque privilegiorum eis, vel suis Ordinibus a dicto Clemente, & Romanis Pontificibus Praeceptoribus suis sub quibuscumque tenoribus, & formis in genere, vel in specie, etiam super facultate praedicandi verbum Dei per universum mundum, eatenus concessorum, seu impofterum etiam concedendorum, approbandorum, & innovandorum, nisi in illis de prohibitione huiusmodi, & interdictione specialis, specifica, & expressa mentio cum sufficienti derogatione fieret, aut quovis alio praetextu, & quavis colore proficisci, & transire auderent, vel praesumerent, & si qui eatenus, vel impofterum secus facerent, postquam moniti essent, statim sub eisdem poenis, omni mora, & excusatione cessante, ad dictas Insulas Philippinas, vel alias partes Indiarum Occidentalium reverti, & redire omnino tenerentur, & ad id per quoscumque Iudices Ecclesiasticos sub eisdem, & aliis eorum arbitrio infligendis poenis cogi, & compelli possent, prout in dictis Gregorii, & praedicti Clementis Praeceptorum desuper etiam in forma Brevis sub datum Romae apud Sanctum Petrum sub Annulo Piscatoris die 12. Decembris 1600. Pontificatus sui Anno IX. confectis literis plenius continetur.

Paulus concedit, iter per aliam viam, sibi benevisis faciant.

§.3. Cum autem, sicut ex insinuatione carissimi in Christo filii nostri Philippi Hispaniarum Regis Catholici accepimus, experientia compertum sit, quod prohibitio accedendi ad Indias, & Civitatem Goan. alias, quam per Lusitaniam, nec qui sperabatur ex eo fructum protulit, neque Catholicae fidei propagationis negotio utilis fuit: Nos pastoralis officii nostri debito, ut tantum opus Dei, omni sublato impedimento libere peragi possit, quantum humilitati nostrae ex alto conceditur, providere volentes, dictarumque literarum Gregorii, & Clementis Praeceptorum tenores, praesentibus pro expressis habentes, omnibus, & singulis Mendicantium Ordinum Magistris, Ministris, seu Prioribus Generalibus, aut aliis quocumque nomine nuncupatis ordi-

sub Annulo Piscatoris, die 11. Junii 1608, Pontificatus nostri Anno IV.

1608.  
Dat. die 11.  
Junii 1608.  
An. IV.

CIII.

Ampliatio privilegiorum Militiae S. Stephani circa annuas pensiones Ecclesiasticas, habitumque a Militibus deferendum.

De institutione totoque statu huius Militiae, vide in Constitut. LXX. Pii IV. His quae Tom. IV. Par. II. fol. 138.

PAULUS EPISCOPUS

SERVUS SERVORUM DEI

Ad perpetuam rei memoriam.

Derogat ceteris.

Ordinum capitibus nunc, & pro tempore existentibus, ut cum necessitas postulaverit, quoslibet ordinis sui spectatae vitae, & eruditionis religiosos, quos nimirum ad praedicta officia, & munia idoneos, & utiles fore in Domino iudicaverint, ad Superiores Ordinum in illis partibus existentes, etiam per aliam viam, quam per Lusitaniam in Japonicas, & alias illis proximas adjacentes, & finitimas Insulas, Provincias, & Regiones praedictas, servata in reliquis dictarum literarum Clementis Praeceptoris forma in omnibus, & per omnia, & non alias, transmittere libere, & licite valeant, auctoritate Apostolica tenore praesentium indulgemus.

§.4. Non obstant. interdictione, & prohibitionibus, ac literis dictorum Praeceptorum, aliisque praemissis, nec non Apostolicis, ac Synodalibus, Provincialibus, & universalibus Conciliis editis specialibus, vel generalibus Constitutionibus, & Ordinationibus, nec non praedictae Societatis Iesu, aliarumque Religionum, Provincialium, & Regionum praedictarum iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, eorumque Praelatis, Superioribus, & personis, etiam particularibus sub quibuscumque tenoribus, & formis, ac cum quibusvis etiam derogatoriis, derogatoriis, aliisque efficacioribus, & insolitis clausulis, ac irritantibus, & aliis decretis, etiam motu proprio, & ex certa scientia, ac de Apostolica potestate plenitudine in genere, vel in specie, ac alias quomodolibet concessis, approbatis, & innovatis. Quibus omnibus, etiam pro illorum sufficienti derogatione alias de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda esset, tenores huiusmodi, acsi de verbo ad verbum, nihil penitus omisso, & forma in illis tradita observata inserti forent, praesentibus pro sufficienter expressis, & insertis habentes, hac vice specialiter, & expresse in quantum nostris prohibitioni, & interdictione, aliisque praemissis adversentur, harum serie derogamus, ac derogatum esse, & censeri, neque illa eis ullatenus suffragari volumus, & declaramus, ceterisque contrariis quibuscumque.

Transumptis eadem addit.

§.5. Et quia difficile foret, praesentes literas, ubicumque usus venerit, ostendi, & publicari, volumus, ut earum exemplis etiam impressis manu Notarii publici, vel alicujus dictarum Religionum secretarii subscriptis, & personae in dignitate ecclesiastica constitutae, vel cuiusvis ex Generalibus praedictis sigillo munitis, eadem prorsus fides in Iudicio, & extra adhibeatur, quae praesentibus adhiberetur, si essent exhibitae, vel ostensa.

Datum Romae apud Sanctum Marcum

Um generosa Militum Militiae Sancti Stephani Papae, & Martyris, sub felici religiosissimi Principis Ferdinandi Magni Hetruriae sibi subiectae Ducis, & dictae Militiae Magistri auspicio, gubernio, & directione plurimum progredientis gesta, laudabileque, & gloriosae contra nefarios Turcarum ausus reportatas victorias animo perpendimus, dignum, quin potius debitum arbitramur, ut eosdem Milites, utpote Domini Nostri Iesu Christi athletas acerrimos, peculiari beneficentiae nostrae largitate prosequamur, eorumque commodis, & congruae sustentationi opportune consulamus, ut ipsi exinde ad majora ab ipsis Turcarum copiis trophaea reportanda alacriores reddantur, & promptiores.

Exordium.

§.1. Alias siquidem felicis recordationis Pius Papa Quartus Praeceptor noster, post erectionem, & institutionem dictae Militiae sub Regula Sancti Benedicti, per clarae memoriae Cosmum tunc Florentiae, & Senarum Ducem in Ducatu Florentiae de licentia Sedis Apostolicae ipsi Cosmo Duci per literas ejusdem Pii Praeceptoris attributa, antea factam eidem Cosmo Duci Magno Magistro, nec non Conventui, Militibus, Priori, ceterisque ministris Ecclesiae dicti Conventus, & aliis personis, etiam in Sacris, etiam Presbyteratus ordinibus constitutis, etiam quaecumque, quotcumque, & qualiacumque, cum cura, & sine cura, beneficia ecclesiastica obtinentibus, eorumque beneficiis, praepariis, sive Commendis, rebus, & bonis, diversas exemptiones etiam a Iurisdictione Ordinariorum, libertates, immunitates, etiam a contributione decimarum, & onerum, indulta, privilegia, facultates, indulgentias, gratias spirituales, & temporales benigne concessit, & elargitus fuit, atque inter caetera indulget omnibus, & singulis dictae Militiae Militibus etiam conjugatis, ac etiam bigamis, aliisque praedictis, ut singuli singulas pensiones annuas, usque ad summam 200. ducat. auri de Camera, super quorumvis Cathedralium, & Metropolitanarum, aliarumque Ecclesiarum, Monasteriorum, Prioratuum, Canonatarum, & Prae-

Pius IV. immunitates, & exemptiones a decimis, & aliis gratias, & signantur facultatem remissioni, & transferendi annuat pensiones ducat. 200. Militibus omnibus Sancti Stephani concessit.



& Præbendarum, dignitatum, personatum, administrationum, & officiorum, aliorumque beneficiorum ecclesiasticorum cum cura, & sine cura, secularium, & quorumvis ordinum regularium, fructibus, proventibus, juribus, obventionibus, & emolumentis, alias sibi canonicè reservandas cumulative cum quibusvis aliis pensionibus annuis, quas illos ex quovis alio privilegio Apostolico pro tempore percipere contingeret, ad vitam percipere, exigere, & levare, ac in suos usus, & utilitatem convertere, libere, & licite valerent, prout in ejusdem Pii Quarti Prædecessoris binis litteris, prioribus nimirum sub Kalendis Februarii, posterioribus vero sub nonis Julii datum, Pontificatus sui Anno tertio confectis, plenius continetur.

Pius V. indulgentiam obtinendi pensiones militibus istis ab- stulit, & ob- tentas per con- tractum ma- trimonii va- care decrevit in Const. 98. Sacrosanctam Tom. 4. Par. 1 fol. 18.

§. 2. Successive vero piæ memoriæ Pius Papa V. etiam Prædecessor noster, per suam, quæ incipit: *Sacrosanctum*, de super editam Constitutionem, revocavit, & abolevit omnia, & quæcumque privilegia, facultates, dispensationes, & indulta, percipiendi similes pensiones, fructus, & alias res Ecclesiarum, Monasteriorum, & aliorum beneficiorum, & officiorum ecclesiasticorum, secularium, & regularium dicti Sancti Stephani, cæterisque Militibus, & Hospitalibus, eorumque Militibus, Fratribus, & personis tam Clericis, quam conjugatis, quibusvis modo, & forma, ac quibuscumque de causis concessa, & approbata, ita quod ipsi sive conjugati, sive bigami, sive Clerici, sive etiam Presbyteri, nullas de cætero reciperent, sed eas solas, quas tunc habebant, retinerent, & ex quoque per futurum contractum matrimonii extinctæ censerentur, prout in eadem Constitutione latius continetur.

Sixtus V. Bulla Pii V. quoad istos Milites revocavit in Const. 172. Circumspetia. Tom. 5. Par. 1. fol. 122.

§. 3. Postmodum rec. mem. Sixtus Papa V. similiter Prædecessor noster, considerans suis potissimum temporibus hujusmodi Milites, pro Dei, & Christiani nominis gloria, & fidei Catholicæ defensione, non solum sæpius in diversis expeditionibus contra &c. *Omittitur residuum, quia tota Bulla legitur loco hic in margine indicato.*

Paulus ex cau- sis, quæ hic recenserentur.

§. 4. Cum autem, sicut Nobis innotescit, dicta Militia sub felicibus ipsius Ferdinandi Magni Ducis auspiciis, fortium, & strenuorum Militum, trirerumque, & aliorum Navigiorum bellicis, & nauticis apparatibus optime instructorum numero copioso aucta, ipsique illius Milites piratarum infidelium oras, Tyrrenique maris passim infestantium excursionibus, & depredationibus, armata classe obstitentes, non solum Italiam ipsam pluries ab incurSIONUM hujusmodi damnis, & incommodis, magno ejus bono, egregia animi fortitudine tutati sint, sed etiam in ipsorummet infidelium dominia, & regiones, magnis ausis summo cum vitæ, fortunarumque discrimine irrumpentes, graves eis clades, Oppidorum expugnationes, & direptiones intulerint, ac partis non semel de illis insignibus victoriis eorundem audaciam represserint, vires fregerint, impios conatus contuderint, ac per-

inde sese magna sui gloria, & nominis Christiani commendatione formidabiles eis reddiderint. Hisce, & aliis rebus præclare gestis cum de ipsa Italia, atque adeo tota republica Christiana optime meriti, & apud etiam cæteras nationes inclita magnanimitatis, rei- que militaris peritiæ famam adepti sint, ipsaque Militia tum dicti Ferdinandi Magni Ducis, qui majorum suorum vestigiis insistentis in hoc ejus eminentiori animi studio, & cura incumbit, præstanti virtute, & potentia, tum etiam propriorum Militum fortitudine eximia clarior, & illustrior in dies evadat, & quemadmodum hucusque Republicæ Christianæ adversus infidelium incurSIONES magno propugnaculo fuit, ita etiam de cætero in expeditionibus contra eosdem infideles, pro fidei Catholicæ defensione pari, vel majori adjumento esse possit.

Gratias, & facultates a Pio V. & Sixto V. percipiendi pensiones Militibus tam laicis, quam clericis, tam conjugatis, quam bigamis concessas restituit, & ad summam ducat. 400. extendit, etiam ad favorem illegitimarum

§. 4. Nos idcirco eam magis in dies florere, ac novis incrementis augeri desiderantes, illisque Milites pro insigni eorum virtute, ac in Nos, & Sedem Apostolicam devota propensione, speciali aliqua Apostolica beneficentiæ gratia cohonestare volentes, omniumque, & singularum literarum, & Constitutionum prædictarum tenores, præsentibus pro expressis habentes, necnon dictum Ferdinandum Magnum Ducem, ac Conventus hujusmodi singulares personas, a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure, vel ab homine, quavis occasione, vel causa latis, si quibus quomodolibet innodati existant, ad effectum præsentium dumtaxat consequendum, harum serie absolventes, & absolutos fore censentes, dicti Ferdinandi Magni Ducis Nobis desuper porrectis supplicationibus inclinati, facultatem, & indultum percipiendi, & exigendi pensiones annuas usque ad summam ducentorum ducatorum auri de Camera hujusmodi, Militibus prædictis tam Laicis, quam Clericis, etiam conjugatis, etiam bigamis, aliisque etiam Presbyteris per Pium IV. concessa, & per Pium Quintum revocata, deindeque per Sixtum Quintum Prædecessores prædictos adversus ipsam revocationem in integrum restituta, reposita, & revalidata, ac de novo etiam concessa, ut præfertur, ac singulas eorum Pii Quarti, & Sixti Quinti Prædecessorum desuper confectas literas, usque ad summam quadringentorum ducatorum auri de Camera hujusmodi in totum: Ita quod omnes, & singuli Milites dictæ Militiæ, nunc, & pro tempore existentes tam laici, quam clerici, etiam conjugati, & bigami, alique etiam Presbyteri, etiam illegitimi ex quovis reprobato, vel damnato coitu procreati, deinceps in perpetuum qualescumque pensiones annuas, usque ad summam præfatam quadringentorum ducatorum auri de Camera, super quibusvis Cathedralium, & Metropolitanarum, aut aliarum Ecclesiarum, Monasteriorum, Prioratuum, Canoniatuum, Præbendarum, dignitatum, personatum, administrationum, officio-

rum, aliorumque beneficiorum ecclesiasticorum, cum cura, & sine cura secularium, & quorumvis Ordinum regularium hujusmodi fructibus, redditibus, proventibus, juribus, obventionibus, & emolumentis, ac distributionibus etiam quotidianis, alias eis canonicè reservandas, etiam cumulative, cum quibusvis aliis pensionibus annuis, quas ex quovis alio privilegio, seu indulto, aut dispensatione Apostolica eis in genere, vel communiter, seu eorum cui- libet nominatim, & sigillatim, etiam in una non facta mentione de alia, vel aliis, ante, & post datam præsentium, quodcumque concessa, aut concedenda usque ad quæcumque summam dictis quadringentis ducatis longe majorem de præsentibus percipiunt, & pro tempore percipient, ad vitam retinere, percipere, exigere, levare, & recuperare, inque suos usus, & utilitatem convertere, libere, & licite valeant, & ex iis tam laici, quam clerici, & conjugati, & non conjugati, ratione pensionis hujusmodi, quas sic pro tempore perceperint, ad incedendum in habitu, & tonsura clericali, deserendumque vestes tales juxta præfatam Sixti Prædecessoris Constitutionem minime teneantur, neque ad id obligati existant, aut aliqua ratione cogi, aut compelli possint, neque ipsarum pensionum, vel illarum loco fructuum, reddituum, & proventuum hujusmodi reservationes, ob non delationem habitus, tonsuræ, aut vestis hujusmodi, seu per contractum matrimonii, seu per bigamiam, quæcumque etiam supervenientem, aut per exercitium militiæ, & quoscumque actus bellicos Clericis, & Ecclesiasticis personis, de jure, & per sacros Canones prohibitos, nimirum Militares, & sanguinis effusione, membrorum mutilatione, & morte infidelium subsequuta, minime cessent, & expi- rent, aut castata, vel extincta dici, aut censeri possint, sed ipsi Milites nihilominus, ut prius, pensiones, ac fructus, redditus, & proventus hujusmodi percipere, & exigere possint, & valeant, dummodo habitum militare, vestes nimirum laicales communes cum insignibus Crucis dictæ Militiæ consuetis, juxta alias dicti Sixti Quinti Prædecessoris super declaratione hujusmodi habitus Militaris sub datum videbitur pridie Kalendas Februarii Pontificatus sui Anno Quarto, quæ incipiunt: *Pastoralis*, editas literas deferant, utique Constitutioni ejusdem Sixti Quinti Prædecessoris plene satisfacere intelligantur, & censeantur, auctoritate Apostolica, tenore præsentium extendimus, & ampliamus, & quatenus opus sit, usque ad dictam summam quadringentorum ducatorum hujusmodi de novo concedimus.

Clauſulas præ- ſcriptas appo- nit.

§. 6. Decernentes facultatem, & indultum hujusmodi, & literas Pii Quarti, & Sixti Quinti Prædecessorum eorundem desuper editas, ex nunc perpetuo extensas, & ampliatas esse, & fore, nec præmissa, ac præsentibus literas de subreptionis, obreptionis, & nullitatis vitio, seu intentionis no-

Bull. Rom. Tom. V. Par. III.

stræ, vel quovis alio defectu notari, impugnari, invalidari, aut ad viam, & terminos juris reduci, seu adversus illas quodcumque juris, gratiæ, vel facti remedium impetrari, aut etiam motu, scientia, & potestatis plenitudine similibus concedi posse, aut debere, neque sub quibusvis similibus, vel dissimilibus gratiarum suspensionibus, revocationibus, limitationibus, aliisque contrariis dispositionibus a Nobis, & Successoribus Nostris, ac Sede Apostolica, quavis de causa, quantumvis justa, pro tempore emanatis, & emanandis comprehendendi, sed semper ab illis exceptas, & quoties illæ emanabunt, toties in pristinum, & validissimum statum restitutas, repositas, & plenarie reintegratas, ac de novo etiam sub quacumque posteriori data per dictum Ferdinandum Magnum Ducem, & Magistrum, & Milites dictæ Militiæ pro tempore existentes, quodcumque eligenda concessas esse, & censeri; Sicque per quoscumque Judices, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de latere Legatos, & Vice-Legatos, dictaque Sedis Nuncios, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiri debere, irritum quoque, & inane, si secus super his a quoquam, quavis auctoritate, scienter, vel ignoranter contigerit attentari.

Executores deputat.

§. 7. Quocirca Venerabilibus Fratribus Nostris Florentin., & Pisan. Archiepiscopis, ac dilecto filio causarum Curia Camera Apostolicæ generali Auditori per Apostolica scripta mandamus, quatenus ipsi, vel duo, aut unus eorum per se, vel alium, seu alios, præsentibus literas, & in eis contenta quæcumque, ubi, & quando opus fuerit, ac quoties pro parte Ferdinandi Magni Ducis, ac Conventus, & Militum prædictorum, seu alicujus eorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra, eos, & eorum quemlibet, eisdem præsentibus, & in eis contentis quibuscumque, pacifice frui, & gaudere. Non permittentes eos desuper a quoquam quomodolibet indebite molestari; Contradictores per censuras ecclesiasticas, aliaque opportuna juris, & facti remedia appellatione postposita compescendo, invocato etiam ad hoc, si opus fuerit, auxilio brachii secularis.

Contrariis quibuscumque derogat.

§. 8. Non obstantibus recolendæ memoriæ Bonifacii Papæ Octavi pariter Prædecessoris Nostris de una, & in Concilio generali edita de duabus dietis, dummodo non ultra tres dietas, aliquis vigore præsentium ad judicium trahatur, necnon Pictaven. Concilii contra illegitimos, ac dicti Pii V. Prædecessoris revocatoria, ac illa, quæ inter alia vetuit, gratias hujusmodi suis excludi temporibus, & quod sibi licere non est passus, etiam suis Successoribus non licere judicavit, nec non præfatis Sixti V. Prædecessoris, & quibusvis aliis Constitutioni-

S s bus,



bus, & Ordinationibus Apostolicis, ac in Conciliis etiam generalibus editis, & quarumcumque Ecclesiarum, Monasteriorum, & Ordinum prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eisdem Ecclesiis, Monasteriis, & Ordinibus, eorumque Præfultibus, Capitulis, Conventibus, Superioribus, & personis, sub quibuscumque tenoribus, & formis, ac cum quibusvis clausulis, & decretis in contrarium forsitan quomodolibet concessis, approbatis, & innovatis; Quibus omnibus, & singulis, ac aliis quæ præfenti gratiæ obesse possent, etiam si pro illarum sufficienti derogatione de illis eorumque totis tenoribus, specialis, specifica, individua, & expressa, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum inferrentur, præfentibus pro sufficienter expressis habentes, illis alias in suo robore permansuris, hac vice dumtaxat specialiter, & expresse plenissime derogamus, ac derogatum esse volumus, & decernimus, contrariis quibuscumque. Aut si aliquibus communiter, aut divisim, ab eadem sit Sede indultum, quod interdicti, suspendi, vel excommunicari non possint, per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Nulli ergo &c.

Datum Romæ apud Sanctum Marcum Anno Incarnationis Dominicæ millesimo sexcentesimo octavo, decimoquarto Kalendas Junii, Pontificatus nostri Anno IV.

CIV.

Quod Rectores Ecclesiarum Parochialium Indiarum Occidentalium, & Orientalium, ab iis, qui in Ecclesiis, & Domibus Fratrum, & Monialium Ordinis Sancti Francisci de Observantia sepeliuntur, eam tantum querant elemosynam, quæ a Concilio Tridentino præscripta, & a Pio V. explicata fuit.

PAULUS PAPA V.

Ad perpetuam rei memoriam.

§.1. **E**xpositum Nobis nuper fuit pro parte dilecti filii Matthæi de Recalde Vicecommissarii Generalis Indiarum Occidentalium Ordinis Fratrum Minorum Sancti Francisci de Observantia, quod Rectores Parochialium Ecclesiarum Indiarum Occidentalium, & Orientalium, ne Christianifidelium, qui pro tempore ab humanis decedunt, cadavera ita commode in Ecclesiis Fratrum, & Monialium dicti Ordinis Ecclesiastica sepultura traditi valeant, ut in

Rectores Ecclesiarum Parochialium Indiarum introduxerunt abusus quosdam circa elemosynas eorum, qui in domibus Fratrum, & Monialium de Observantia sepeliuntur.

eorum Parochialibus Ecclesiis valerent, de consilio forsitan suorum Superiorum abulum introduxerunt, ut majorem scilicet elemosynam ab illis exigant, qui in Ecclesiis dicti Ordinis sepeliuntur, quam si in propriis Ecclesiis sepelirentur, itaut Christianifideles, qui in Ecclesiis hujusmodi sepeliri desiderant, parem ad minus Parochialibus Ecclesiis elemosynam relinquere debeant, ratione eorum sepultura, ea, quam Ecclesiis Ordinis hujusmodi relinquunt.

§.2. Et quod pejus est, si quis pro animæ suæ refrigerio nonnullas Missas a Fratribus prædicti Ordinis celebrandas reliquerit, præterdunt Parochi elemosynam ratione Missarum hujusmodi relictarum, inter ipsos, & Fratres prædictos dividendam esse.

§.3. Et ulterius iidem Rectores, de mandato forsitan suorum Ordinariorum, filios, quorum Patres in Ecclesiis dd. Fratrum, vel Monialium sepulti sunt, aut sepulturam particularem pro se, & suis habent, nulla consuetudine legitime suffulti, in eorum Parochialibus Ecclesiis sepeliri, & diftos Patres ad hoc, ut in dictis Parochialibus Ecclesiis sepeliantur, cogere, & compellere contendunt, & quotquot Fratres Regulares defunctum aliquem ad Ecclesiasticam sepulturam in suas Regulares Ecclesias comitantur, tot etiam saculares Sacerdotes, aut Clericos assumi volunt, in maximum domorum, & Monasteriorum dicti Ordinis præjudicium, eo quod multi duplicis hujusmodi funerum impense difficultate deteriti, in dictis Regularibus Ecclesiis sepulturam eligere nequeunt: unde fit, ut dicti Ordinis Ecclesias mortuorum sepulturis, & consequenter elemosynis, etiam quæ in suffragium animarum fieri consueverunt, paulatim destitutas iri verendum sit.

§.4. Quare dictus Matthæus Nobis humiliter supplicari fecit, ut domorum, & Monasteriorum, necnon Fratrum, & Monialium dicti Ordinis illarum partium indemnitati consulere, ac alias in præmissis opportune providere, de benignitate Apostolica dignaremur.

§.5. Nos igitur hujusmodi abusus è medio tollere, ac dicti Ordinis, ejusque Religiosorum utriusque sexus, ut majores in Vinca Domini fructus in dies afferre studeant, commoditatibus, quantum cum Domino possumus, prospicere cupientes, de consilio Venerabilium Fratrum Nostrorum S. R. E. Cardinalium consultationibus, & negotiis Episcoporum, & Regularium Præpositorum, omnibus, & singulis Parochialium Ecclesiarum in partibus Indiarum, tam Occidentalium, quam Orientalium Restoribus, nunc, & pro tempore existentibus, harum serie interdiximus, & prohibemus, ne sub excommunicationis majoris læsententiæ poena, a qua non nisi a Nobis, seu a Romano Pontifice pro tempore existente, præterquam in mortis articulo absolvi possint, ex nunc deinceps perpetuis futuris temporibus, majorem elemosynam ab iis, qui in dictarum Domorum utrius-

Et quo ad elemosynam Missarum, quas pro anima sua a dd. Fratribus dicendas quis relinquerebat.

Necnon quoad cogendos aliquos, ut in dictis Ecclesiis Parochialibus sepelirentur.

Supplicatum itaque fuit Patre pro opportuna provisione.

Qui dd. Rectores præcipue solum, eam petant elemosynam quam præscripsit Concilium Tridentinum, cap. 1. & explicavit Pius Quintus.

utriusque sexus Ordinis Sancti Francisci Ecclesiis sepulturam eligunt, & sepeliuntur, ea quam illis præscribit Concilium Tridentinum, *sess. 25. cap. 13.* juxta explicationem a sel: rec: Pio Papa V. Prædecessore Nostro emanatam, sub Dat. Romæ apud Sanctum Petrum, Anno Incarnationis Dominicæ 1567. xvii. Kalen. Junii, Pontificatus sui Anno Secundo, quovis prætextu, aut occasione, etiam de consilio, consensu, & mandato suorum Ordinariorum exigere.

Nec ad sepeliendum in Parochialibus cogere posse, qui in domibus d. Ordinis sepulturam elegerunt.

Executores hujus Constitutionis deputat.

§.6. Nec filios, quorum Patres in Ecclesiis dictorum Fratrum, & Monialium sepulti sunt, aut sepulturam particularem pro se, & suis habent, in eorum Parochialibus Ecclesiis sepeliri, & diftos Patres ad hoc, ut in dictis Parochialibus sepeliantur, cogere valeant, seu præsumant.

§.7. Quocirca dilectis filiis Curie causarum Camera Apostolicæ Generali Auditori, ac Indiarum Occidentalium, & Orientalium Societatis Jesu Provincialibus pro tempore existentibus, per præfentes committimus, & mandamus, quatenus ipsi, vel duo, aut unus eorum, per se, vel alium, seu alios, ubi, & quando opus fuerit, & quoties pro parte Superiorum, & Fratrum cuiuscumque domus, & Monasterii dicti Ordinis illarum partium fuerint requisiti, vel eorum aliquis fuerit requisitus, præfentes literas, & in eis contenta quæcumque solemniter publicantes, eisque in præmissis efficaciter defensionis præsidio assistentes, faciant auctoritate nostra, illorum omnium, & singulorum effectu pacifice frui, & gaudere: non permittentes eos desuper a quocumque quavis auctoritate quomodolibet indebite molestari; Contradiutores quoscumque, & præmissis non parentes, eisque auxilium, consilium, vel favorem, publicè, vel occultè, directè, vel indirectè, quomodolibet præstantes, per censuras, & poenas Ecclesiasticas, aliæque opportuna juris, & facti remedia appellatione postposita compescendo, invocato etiam ad hoc, si opus fuerit, auxilio brachii secularis.

Contrariis de rogat.

§.8. Non obstantibus præmissis, ac quibusvis Constitutionibus, & Ordinationibus Apostolicis, ac Ecclesiarum, Domorum, & Monasteriorum, & Ordinis hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, quibusvis Ecclesiis, ac illarum Restoribus, aut quibuscumque aliis, sub quibuscumque tenoribus, & formis, in contrarium præmissorum quomodolibet concessis, confirmationibus, & approbationibus, quibus omnibus, & singulis, eorum tenores, præfentibus pro expressis, & ad verbum insertis habentes, hac vice dumtaxat, specialiter, & expresse derogamus, cæterisque contrariis quibuscumque.

Transumptis que credi indat.

§.9. Volumus autem, ut præfentium transumptis etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur. Bull. Rom. Tom. V. P. III.

tur, quæ eisdem præfentibus adhiberetur, si forent exhibitæ, vel offensa. Datum Romæ apud Sanctum Marcum sub Annulo Piscatoris die 25. Junii 1608. Pont. nostri Anno IV.

Dat. die 25. Junii 1608. An. IV.

C V.

De Ambitu Fratrum Eremitis Ordinis Sancti Augustini interdicto.

Alia de his Fratribus vide in Alexand. IV. Const. XXIX. Licet Tom. III. fol. 373.

PAULUS PAPA V.

Ad perpetuam rei memoriam

**A**dmonemur pastoralis officii nostri debito, diligentius prospicere, ne Religiosis, qui Regularem vitam professi sæculo renunciarunt, ad dignitates, & officia per emendicata suffragia ambitiosus pateat accessus.

Exordium.

§.1. Quocirca motu proprio, & ex certa scientia nostra, ac de Apostolicæ potestatis plenitudine, dilectis filiis Priori Generali, ac Provincialibus, & reliquis Ordinibus Sancti Augustini Fratrum Eremitarum Prælatibus, nunc, & pro tempore existentibus, in virtute sanctæ obedientiæ, ac sub excommunicationis poena ipso facto incurrenda præcipimus, & mandamus, ne ad instantiam, & requisitionem quorumcumque personarum, tam Laicarum, quam Ecclesiasticarum extra dictum Ordinem constitutarum, etiam Cardinalatus honore, & quocumque seculari dignitate, & excellentia, etiam Ducali, Regali, & Imperiali fulgentium, cuius dicti Ordinis Religioso, ullam gratiam concedere, vel poenas aliquas remittere, seu gradus, honores, dignitates, officia, & administrationes, functiones, & Prælaturas ejusdem Ordinis concedere audeant.

Ambitus prohibetur Prælati hujus Ordinis.

§.2. Quinimo dicti Ordinis Fratres, & Religiosos, qui contra decreta hac via, & his mediis perquisitos favores, & suffragia aliquid sibi procuraverint, ad talia, & similia, ac etiam majora in eodem Ordine consequenda perpetuo inhabiles declaramus.

Favores exquiruntur poena.

§.3. Insuper dictis Religiosis, & Fratribus ejusdem Ordinis quibuscumque sub eisdem poenis præcipimus, & expresse interdiximus, ut non solum in præmissis omnibus favores hujusmodi minime procurare, sed nec etiam sponte oblatos, aut ab eis minime procuratos recipere, & similiter ne ad hunc effectum munera aliqua prædictis personis exhibere audeant, seu præsumant.

Prohibitionis ampliatio.

§.4. Non obstantibus Constitutionibus, & Ordinationibus Apostolicis, dictisque Ordinis statutis, & consuetudinibus, etiam juramento, confirmatione Apostolica, vel quavis firmitate alia roboratis, cæterisque contrariis quibuscumque. Aut si eidem Ordini, & Fratribus prædictis communiter,

Contrariis derogatio.